

池州府志卷第二十一

中憲大夫知江南池州府事加六級襄平馬世永編纂

學校志

池州府儒學在府城西北隅本宋景德太平二禪寺地

明隆慶元年知府尹士龍從毓秀門舊學移此知府馮

叔吉建成萬曆間知府李思恭天啓間知府潘應龍皆

重修本朝順治七年知府梁應元又重修康熙十七

年知府喻成龍又重修三十二年奉頒

御製訓飭士子于學

按舊學在城東南隅宋開寶癸酉知池州成昂移建于城西北

至和甲午知池州吳中復仍移建于城東南厥後知池州陳桷周應龍葉凱王伯大相繼修葺元至元四年總

管寺羅不花與迭列思八亦重修吳師道爲之記元末燬于兵明洪武三年知府王祖順重建增置博文約禮興賢進德四齋厥後正統初知府葉恩重葺成化初知府李宏重造明倫堂四齋兩廡戟門石柱櫺星門泮池橋倪謙爲之記弘治間知府陳良器祁司貞相繼修葺正德九年知府何紹正又重修大成殿兩廡明倫堂會饌堂石珣爲之記嘉靖十一年知府侯緘建啓聖祠十二年復葺廊廡敬一亭名宦鄉賢二祠以及戟門坊表村相爲之記嗣是遷建于西北隅其址遂爲祝聖寺○以上各碑記俱非今學不載

明徐紳池州府遷建廟學記

舊廟學在郡治東九華門內地界濕夏滂時至江漲迫櫺星門下數月不降則有事學宮者履沮洳中修習展禮所不便而堪輿家亦謂形勢無所據蓋學官弟子嘗以爲言而未有主建置之者嘉靖乙丑之歲

心齋尹公來守是郡慨然以興學爲己任丙寅秋會

學御史麻城耿公巡按御史商丘宋公謁視廟學

尹公率學官弟子言故且謂素所景望惟郡治北景

德太平二禪寺倚山面流形與勝合改置便由是監

司議協衆謀僉同以今上建元之二月庀材鳩工程

能授藝即前址遷建先師廟宇中而翼以兩廡前爲

戟門又前爲櫺星門廟之後爲明倫堂堂有儀門堂

之後爲啓聖祠爲敬一亭而名宦鄉賢之祠亦以序

列曾不五月規制既具矣尹公以譖去馮公嗣之益

以精明宏遠纖巨畢舉解舍齋廚坊池塔庀星布棊

峙又三月遂落其成蓋自有郡與廟學以來歷千百年一大建置也桂生一萼田生有麟以諸學官弟子狀來屬紳記其事紳維在昔辟雍泮宮之興歌詠著于雅頌與漢唐以來史冊所書儒先所記凡有事學宮者率多嘉稱豈不以其關典禮風教而爲有國家者之所當崇重也哉然有司者即能修廢補壞隨時綴葺斯亦不失職矣若夫撤其舊而特新之不安于卑隘湫陋之常而必擇夫高明光大之區以更置之此其用心之賢何如也況財因于公帑而無加徵力權于公役而無增調分任擇人量度有式斯亦舉事

備則矣尹公爲之先而馮公克繼其美兩監司者又能斷以從善使千百年因仍之舊一旦巍然煥然于改觀之餘斯豈不山川鬼神之助也與哉抑紳願有言焉夫地之卑且下焉者不爲人情所安雖千百年相循之久必求所以更張之而有能力起而更張之以就于高明光大之域者則相與歆豔而歸美之以爲爲斯文有功也然我國家二百年來文治日盛科舉之業通于窮荒極徼丁其時亦以爲教學之事大備矣然學士大夫間亦狃于俗習平居則以咕嗶記誦爲能而於德性經術之精不盡能究及其出而致

用又往往以聲利爵級相雄長而於德性經術之用不盡能弘則其汨沒于卑下而無以自躋于古先聖賢高明光大之域非地則然也使有能奮然興起不以俗習自晏安者又非必藉于有力者之更張之也曾子曰尊其所聞則高明矣行其所知則光大矣高明光大矣高明光大不在乎他言其足之乎已也故六經語孟以及諸儒之所稱述者皆吾之所夙聞者也師友之所講明討析者皆吾德性本然之良知也不尊不行卑而自泥故徒義崇德之學常落落焉夫曰相與周旋揖讓于俎豆宮牆之間至所以修身以

達之天下者絕與所師事之聖賢遠相馳悖則學之爲何事者乎可以深省也居以求志也湛然德性之常尊行以達道也沛然經術之致用相須互發昭昭乎亘宇宙懸日月而不磨此高明光大之本體學問之能事也亦在乎致之而已我國家建學立師使士皆誦法孔子今皇帝緝熙聖學崇儒雅以弘濟濟之風加之監司郡守又極力以作新之如吾郡然者然則爲之師若弟子者舍所以爲聖賢何以砥礪德業而仰奉明德也哉吾知今之興起于斯文者必肩比而踵相接也郡土瘠民愿士忠信恥浮競誠克之以

聖賢之學直進而爲古人有不難者其於三輔首善之教化宜不顯矣是舉也同知葉君壘通判高君川卑贊襄居多承委則縣丞管進典史王守先分任稱事則教授唐君應鯨訓導欽滔傳惟修薛仲各以經義附治事與有奔走之勞者得備書之耿公名定向字在倫宋公名纁字伯敬尹公名士龍字見卿馮公名叔吉字汝迪馮于尹爲同邑人是皆軌物度事率以身教者不獨書其勞焉已也

本朝張英池州府重修儒學碑記

池北郭隅之廣原青烏家所謂佳麗地也廟夫子宮

牆多士者蓋已二百餘年土木之工不三十年而輒毀以故旋圯旋葺前賢之官於此地者各與有勞勩載在冊書不容泯滅而要未有若我三韓喻公今日建學之盛也何則今之時亦大異於昔之時矣期會簿書日不暇給非若向者之從容就理也職修雖具然不關乎六計無操約程範務以兢兢非若向者之可以入三年報最之中也且軍興旁午長吏多以時其芟芻供餼脯劬勞鞅掌非若向者之時乘農隙百廢具修也無怪乎郡若邑羣委謝後來視若蘧廬然矣我喻公則不然公謂今

今天子右文至意正以學宮爲人心根本之地學宮
飭則心安學宮不飭則心不安余一體

上意盡心焉已耳是以良畫夙具斷不道謀竭力捐
俸錢而外間有事於募助令六邑之有力者各自占
高下助資而財可稱任矣鏟鑿吞蝕茨絡巧墁聚百
工非有專官不能朝視而暮攷也於是遴府幕及吏
胥之能者視作登記纖悉備載而力可稱任矣物力
有餘故經費無逗撓趨作無怠媮自丁巳冬月經始
至戊午六月勞執事而落之爲夫子廟如制上可建
三尺旗下可容千餘人蓋堂堂焉可以馮鬼神廡下

周還奐美兩兩如翼可以宅幽爲謬室奉啓聖宮若
明倫堂若文昌祠皆次第修舉不遺餘力戟門外窳
地爲泮水其外爲一大闔以隔紛囂顏之曰泮宮公
親書之字勢適緊斌秀在近代董華亭王孟津之間
瞻者歎慕不置云史英曰喻公知爲政之要矣夫士
民之秀也規其地宜則易化示之象儀則易從明其
職事則無不當昔文翁治蜀申之以教化而後蜀中
諸生比于鄒魯之鄉一時有長卿淵雲之屬蔚起焉
宗澤官龍游興庠序延師儒而擢科者相繼彼其民
皆未知學也矧公乘昌時視形勝而臨訓誨之有不

追美于曩日也哉夫以科目訂人才非通論也故士不由之無由自見如靖難之陳公黃公皆是也余聞公於兩公祠宇皆加意營造公之所以最池人士者深矣僅科名云爾乎或曰學之役不自公爲郡始也公以建德令遷監郡即謀之於舊太守周公江防祝哉余曰唯唯於時學博吳門陸君德元京口包君斌屬余同籍章孝廉授之書兼示狀于余余乃握筆而爲之記公諱成龍號武公金州人周公諱夢熊號公望恒山人祝公諱萬祉號介菴遼東人別駕田公諱庶號牧園大興人貴池縣令劉公諱光美青陽令吳公諱國桂銅陵令裴公諱國熙石埭令姚公諱子莊建德令張公諱登進東流令鄭公諱國印督工經歷陳君肇復例得並書

喻成龍池州府重修儒學碑記

康熙歲在戊午余承乏守池蓋自筮仕建邑再留監郡而迄秉符念於池有長社之寄也顧無以興教化美風俗中心怦怦是懼思學校爲守土親民根本之地先是太守周公見池學旋葺旋圯與余謀所以鼎新者余時慨然曰夫其工垂成而易圯者非有他也

材之弗良比於士抱朽桮枵然無質矣又不克攻苦磨礱僅丹髹以飾一時之耳目亦何異馮空疎而剽藻績偶掇青紫於朝宁無虞棟撓哉今欲為池士養真才曷若悉鑿前轍而更張之乎迺深以其言為然於是澤宮之役聽余為政方經始具有成竹旋且受代雖時當郵符流水余獨耿耿於一簣方覆之間不敢釋也計自節減羔豚勉竭鳩工之外勸諸有位暨鄉之薦紳及士民殷而好行其德者咸鼓舞樂輸焉是役也選材必良匠石惟飭省試有規既廩咸稱始自大成殿翼以兩廡若啓聖祠明倫堂文昌名宦鄉賢諸祠各次第修舉如祀典其櫺星戟門之間為泮水特恢作大闔顏曰泮宮絜之舊制殊為式廓增新矣既落成遂釋奠先師以諭於衆曰古者王畿以及侯邦下逮州閭本無不有學期於造士成材也攷之學記所稱始於離經辨志終於強立不反是學之序其學有五經六藝之文弦歌洗爵登降之節祭祀鄉射賓興養老之儀出師受成之法是學之制也夫士自幼及長藏修游息身不踰階序之外而經世理物立均出度舉不朽之盛業已莫不於學乎畢具由茲譽髦用為楨幹何風之隆哉迨去古漸遠師儒教

學惟取發策決科而大學明新之旨反視爲高論難
企縱有穎異樸茂之姿亦相率波靡汨沒莫肯有砥
礪振拔者此由未講明於建學之本源而缺於廣厲
之實政也今所在學宮誰不奉孔子以爲師又誰不
奉孟子明人倫一言以爲之標的不知倫即道也本
原於天率之爲性修之爲教乾柱坤維之賴以清寧
日星河嶽之賴以昭列皆是物也即以池而論前代
英賢輩出惟數忠臣成仁取義與名公鉅卿立朝寒
諤皎皎流徽至今如有生氣是則不愧人倫斯爲無
負庠序也二三子其疇無秉彝哉則於以盡倫於以

體道追美前賢詎異人任儻猶弗憬然思惕期爲
才尚窳乃質墮乃勤竟墮乃業是與前之工垂成而
易圯者又何異也邪夫余今日所孜孜祈望以興教
化而美風俗者均靡不於是乎取衷焉而修學特其
根本之地耳若謂余依青鳥家之言美厥輪奐將使
發策決科取左券於他日也是猶緒論安足以盡余
之志也夫爰述其事與其語質言而爲之記

按唐韋表微有池州夫子廟麟臺碑銘曰二儀
既閉三象乃乖聖道理鬱人心不開上無文章
下有定哀吁嗟麟兮孰爲來哉周雖不綱孔實

嗣聖詩書既刪禮樂大定勸善懲惡姦邪乃正

吁嗟麟兮克昭符命聖與時合化行位尊苟或

乖戾身窮道存於昭魯邑棲依孔門吁嗟麟兮

孰知其仁運極數殘德至時否楚國寢廣秦封

益侈牆仞迫阨崎嶇闕里吁嗟麟兮靡有攸止

世治則麟世亂則麇出非其時麇鹿同羣孔不

自聖麟不自祥吁嗟麟兮天何所亡此銘又載入山東通志似唐詩紀事錄此特冠以池州二字不知何

也惟唐詩紀事錄此特冠以池州二字不知何

載此故附識之

先師廟明隆慶元年知府尹士龍馮叔吉建後屢圯修至本朝康熙十七年知府俞成龍大修

御製孔子贊及四子贊于廟庭

欽頌御書萬世師表扁額及

御製孔子贊及四子贊于廟庭

欽頌御書萬世師表扁額及

御製孔子贊及四子贊于廟庭

欽頌御書萬世師表扁額及

御製孔子贊及四子贊于廟庭

欽頌御書萬世師表扁額及

御製孔子贊及四子贊于廟庭

九

九

九

九

九

九

九

九

九

九

九

九

九

九

九

九

九

九

九

九

九

九

九

九

九

九

九

九

九

九

九

九

九

九

九

九

九

九

知府陳良器 同知言芳 知府社秉彝 知府祁司負 知府何紹
 正 知府侯緘 知府社秉彝 知府祁司負 知府徐衍慶
 兵備副使馮叔吉 兵備副使張九德 本朝知府宋
 鶴慶 同知汪元綬 兵備副使田庶 兩江總督部院于
 清端公成龍 總河部院靳文 蘇劉義 處士
 襄公輔 江南學院張泰交 翰林學士杜荀鶴 宋殿

鄉賢祠在啓聖祠西 祀 唐翰林學士杜荀鶴 宋殿

陳巖 清溪二生 明給事中陳敬宗 禮部侍郎孫仁 黃

御史張廷瑞 知縣章瑩 負外郎李嘉祥 戶部侍郎

御史宋邦輔 巡撫柯相 貢士李呈祥 知縣胡大武

封御史劉織 參議吳仲禮 一楨 知州桂經 通判丁旦

大學士丁文恪 公紹載 贈負外郎徐漸 知縣胡

士瑾 訓導李得春 徵君劉城 本朝知縣章世德

儒學門在樞星門之左 教授署在明倫堂之左

訓導署在教授署之南 號舍左右 文昌閣 土地

祠俱在左號舍之上

按宋樓鑰有池州教官廳壁記曰秋浦為江左
 名郡齊山九華之勝人物秀發又有李太白杜
 牧之遺風庠校之興有自本矣吾甥永嘉盧申
 之祖泉力辛繼士科為郡博士其行也求贈以
 言申之俊而好文進學不待勸勉特以其少孤
 自立將為人師慮鮮琢之名益大書無有師保
 如臨父母以遺之之官未幾則聞教育有序衿
 佩向風以書來求壁記語之曰余嘗客授子之

鄉矣學無止法學然後知不足教然後知困
 人之言甚旨深矣非真知學者自以為足此為
 於教人者亦不能知困惟教學出處之說本
 以勉其君而學記以為教學相長此又一說也
 今之教者不待問而講說又所從事惟舉子業
 雖皆非古之道然勵志于學當自知其不足用
 力于教當自知其困不足與困子當自知之非
 余所能告也試書諸壁以警坐右且持以告後

來者按宋學非今處姑附載于此

按府學額設學生四十人增廣生四十人附學

生無定額

按府學每年貢一人自康熙二年起至其拔貢

恩貢俟奉

特典行按本朝順治二年恩貢五年恩貢七

十一年拔貢二十五年拔貢三十七年恩貢四十七年恩貢

按府學治間歲科兩試裁減舊額取進儒童

十名康熙三年起至十三年歲科併考奉裁

額取進儒童十五名十四年歲作科考廣額取

進儒童十八名十五年歲考又奉廣額取進儒

童二十名十六年起至十九年歲考減額取進

儒童五名二十年起歲科兩考復額取進儒童
二十名二十九年科考起廣額五名共取進儒
童二十五名三十八年科考特行廣額五名共
取進儒童三十名四十年歲考起仍照定額取
進儒童二十五名其武童自康熙三年起歲科
併考至十四年止取進十四名自十五年起仍
照歲科併考定額取進二十名

按祀典每歲春秋二仲祭上丁

先師用帛一羊一豕一爵三登一釶二簠一簋
二籩八豆八四配共用羊一豕一各帛一

登一釶二簠一簋一籩豆各六十哲共用帛二
豕二各爵一釶一簠一簋一籩豆各四東西廡
各用帛一豕一每廡設四處共用爵四簠一簋
一籩豆各四外用勺以挹酒雲雷尊二盛初獻
酒象尊一盛亞獻酒犧尊一盛終獻酒惟府學
合樂其祭府以知府縣以知縣主之府以丞倅
縣以佐貳分獻先一日陳牲通學生負執事其
儀注如制行

啓聖祠共用帛二豕二羊二各爵一釶一簠一
簋一籩豆各四先先師行事府以教授縣以教

諭主之訓導主獻

名宦鄉賢祠各用羊一豕一爵如其神之數

按祝文照部頒式用

按樂器舊本全設自明末兵燹後殘缺不全今存金鐘四玉磬四祝一敵一麾旛一畫牌二其餘琴笛簫管笙簫等器樂舞生臨期自備永守是邦將倡備如制

按祭器亦殘缺不備今現存籩豆三十二爵二十四帛匣七

貴池縣儒學在府治西鍾英門內本明初黃侍中故宅

弘治十三年知縣曹瓊教諭袁孟堪從縣治東舊學移此知府郡司負建成之萬曆三十八年郡推李養冲知縣蕭繼美重修圯本朝順治十一年郡推戚良宰知縣李愈昌重修圯康熙十八年知縣劉光美重修二十四年郡丞周疆重修三十二年奉頒

御製訓飭士子于學

按舊學在縣治東百步許建于明洪武初其前弗可考矣宣德

癸丑知縣黃金蘭始大治之閱乙卯秋訖工規制略備見曾鶴齡記○按記非今學不載

明謝遷貴池縣改建儒學記

貴池學舊在邑治東因城隍廟故址爲之僻居湖塘之均雉雉湫隘歷歲既久傾圯滋甚士無藏修之所

科目乏人者凡七舉矣弘治己未冬巡撫都御史安成彭公按節是邦惕然咨嗟顧謂知縣曹公瓊曰是何以仰副國家育才崇化之意盍舍舊而新之圖瓊承命惟謹乃謀諸教諭袁公孟懋相與經度郡治西半里許得隙地一區隆然軒敞乃國初許狀元觀宅址也縱以丈計者三十有六橫以丈計者二十有七地勢自九華山蜿蜒委蛇而來底下湖而止水屈曲環繞而三面峯巒排戟拱向中挹秋浦之秀因繪圖以上彭公躬往視之躍然喜曰是天成一佳境也亟命改作時郡守山陰祁公司負適至力爲綜理於是市材鳩工委縣丞陳思明專督其役前爲大成殿及東西兩廡戟門又其前爲櫺星門後爲明倫堂及時習日新二齋又其旁爲講堂饌堂與凡學官之廨宇諸生之號舍罔不畢備外則繚以周垣門臨湖水路接通衢而廟學之規宏邃壯麗煥然一新視舊大不侔矣蓋經始于庚申秋七月越明年辛酉夏五月而落成是歲秋生負畢伸者適捷應天鄉試邑之人欣欣相告莫不以爲卜吉之應也已而祁公奏績來京請予爲紀其所以作夫人之出寶維山川清淑之氣之所鍾詩曰崧高維嶽峻極于天維嶽降神生甫及

申維申及甫維周之翰所謂地靈人傑誠不可誣也古之人築城郭建都邑定廬舍未有不擇地而居者是故周公訪洛反覆于瀍澗之東西以基億萬年之休衛文公之作楚丘亦望觀乎楚堂山京之間以求終焉之允臧然則學宮庠舍之作一方之賢才胥此焉出獨可苟哉我太祖高皇帝始定區夏即詔天下郡邑遍立學校誠知當務之急莫先于是者池陽爲京畿近輔貴池又爲郡上邑實當首善之地顧其學宮弗稱且日就于敝吏相視而莫之恤亦安所追其責哉彭公汲汲于是有司諸執事者又克祇慎相成皆可謂賢矣而科目之英應時而出適逢其會以彰作新之效殆非偶然之故也豈是邦文運沉鬱旣久至是而始興乎將來科目之盛固有不下而可知者然豪傑之士豈特決取一第而已其益思淬厲于道德勲業以爲國之翰以昭學校之光而崧嶽降靈之美俾不得專于前此則彭公與諸執事所望于是邦人士者也併書以告

本朝周疆重脩建貴池縣儒學碑記

今皇帝御極之二十四年日月光華天地清晏蓋文治熙洽海宇者旣非一日而且

詔書屢下慎簡儒臣以弘董勸

特諭所在有司凡學宮典禮經制所定悉復舊規府州縣黌序因歲時修治惟勤猗歟盛矣哉歐陽公曰學校王政之本也在昔盛王政教所施無不出於學而學之中養之教之之方亦無不具是以俗之成而法之永茲固已覲其時矣然則學之興廢非有司之責而誰歟丑之夏予司印貴池詣廟行禮入櫺星門則垣墉圯闕矣歷階則兩廡無存矣瞻拜出雖聖殿巋然亦漸朽蠹矣再經行則明倫堂齋舍四望瓦礫矣顧博士及諸生徒而太息曰廢之當舉舍此曷先

而此者之視此何若邪生徒曰學宮之壞迄今數十年前令過而計之稍事修葺而止由功大費繁而創業之難也余頷之曰事之廢興視乎人耳不見二氏之寺廟徧海內而吾儒服夫子之道力顧出彼教下復何云哉今日之舉匪異人任矣於是就薦紳先生而謀聞予說則大喜爰進耆老諭之曰學之中若子暨孫或與或不與有不願游聖人之門以爲榮者乎或助之或勸之惟爾便聞之則共喜又諭耆老傳於鄉堡遠近聞前說則又喜一時寮屬諸生徒鼓舞襄事權緩急而次第布之予捐橐於兩博士經始焉

匝月間材不賦而羨匠不發而集東西廡屋十四楹棟宇屹然泮水門序丹堊煥然明倫堂爲楹有五工尤大南向峩然日新時習兩齋凡十楹次第告成合國與鄉出其私錢以助用人之力積萬有奇工而人不以爲勞其良材堅甍之用積二十萬有奇而人不以爲多創於其夏而落成于次年之春視向之宿莽野蔓一變而享祀有庭教肄有舍游息有所來游者又無不喜而驚以是爲改觀之速也生徒曰念向之難不益慶今之易乎余曰非然也人之情未有不樂於學者一倡而四境之內響應而圖之如恐不及是情之未可以虛文動而可以誠感也今諸生知學之成矣抑知學之所由設乎學之大要使人人學其性以化剛柔緩急之異而馴於識之明氣之充則履天下之任而無不得其宜處百官之列而隨所施爲無不當一人之行修於家而移於鄉鄰族黨則一縣之風俗淳人才出矣此極盛之時仁政所以行而刑罰所以措以上報

聖天子廣厲學官之至意不亦美哉繼自今相與明先王之道而勿溺於所習則視乎博士則有以進之而已

先師廟明弘治十三年知府初司負知縣曹瓊建後祀

萬曆三十八年推官李養沖知縣蕭繼美重修

丁給軾為之記又祀本朝順治十二年知縣李愈昌

重修又祀康熙十二年知縣張應徽重修地十八年知

縣劉光美重修又漸祀二四年同知周彊重修安奉

欽頌御書萬世師表扁額及御製孔子贊及四子

贊于廟庭四十三兩廡廟門右宰櫺星門

年知縣吳儀重修

泮池有明正德間知府何紹正勅又城外學明堂亦

以運皆如制

明倫堂在先師廟後明嘉靖間知府田賦侯緘先後建

應薇東西兩齋東曰日新木朝康熙十二年知縣張

重初知縣伍定相建會饌堂在明倫堂右廢敬一亭在學東

南

啓聖祠在先師廟西明嘉靖間知府侯緘建

官宦祠在啓聖祠後明嘉靖元年知府田賦建祀

兩江總督部院于清端公成龍總河

部院靳文襄公輔江南學院張泰交

鄉賢祠在啓聖祠後明嘉靖元年知府田賦建祀

儒學門在櫺星門之左教諭署在明倫堂後之西

訓導署在明倫堂之左號舍在學門內

文昌閣在學門外東南本朝順治十一年知縣陳益

行重

建

按貴池中學額設學生二十人增廣生二十人

附學生無定額

按貴池中學歲科各貢一人

按貴池中學順治間歲科兩試裁減舊額取進

儒童名康熙三年起至十三年歲科併考

奉裁額取進儒童十二名十六年起至十九年

歲考減額取進儒童三名二十年起歲科兩考

復額取進儒童十二名二十九年科考起廣額

四名共取進儒童十六名三十八年科考特行

廣額五名共取進儒童二十一名四十年歲考

起仍照定額取進儒童十六名其武童自康熙

二年起歲科併考取進十二名

按祀典每歲春秋二仲祭上丁其制視府學

按祝文照部頒式用

附在城社學四圍各一區明末俱沒于民本朝順治間知縣李愈

昌復設二義學一區

舊置府縣兩學贍貧生冊田七十九畝三分九

釐零貴池縣塾師冊田一十三畝四釐零明天

啓三年官置府縣兩學會莊冊田一百零九畝

五分四釐三毫四絲冊地九畝六分二釐五毫

冊基一分零二毫民山三畝六分二釐冊塘一

畝二分零三毫崇禎四年邑人丁燿又捐置弓

田五十畝五分七釐弓地十一畝民山五分其坐落某鄉某甲詳貴池縣志其租穀解撫學二院給貧生

青陽縣儒學在縣治東南明洪武七年知縣張文昱建以後時圯時修見各記 本朝順治十三年知縣楊夢

鯉重修康熙三十一年奉頒

御製訓飭七子于學

按青陽舊學在縣治西宋隆興二年邑令楊元秉遷于縣治東

南廟庭之後有化成堂宸章閣博文敏行移忠履信四齋圯慶元元年知縣趙善古重建轉運判官雷孝友為之記紹定癸巳邑令喬幼間建化成坊元大德間邑令吳廷輔以其地卑濕乃遷于縣治西壬辰燬于兵明洪武七年知縣張文昱復遷于東南故址其後成化丙申知縣王政重修彭朗記嘉靖丁未知縣嚴諒重修茅璜

萬曆五年知縣蘇萬民重建天啓辛酉知縣李如桂修徐鳴皋記 本朝順治十三年知縣楊夢鯉又示

四十七年知縣張容重修未訖工

明彭朗重修青陽縣儒學記

古之治天下者一切以立學校教民為重三代之興莫不有學蓋謂學校者教民之地致治之本也我太祖高皇帝混一天下定鼎金陵之初即建國學於京師尋詔諸郡縣皆立學以教人亦謂化民成俗端在是矣厥後列聖相承皆用此道所以海內之士多服詩書循禮義人才之盛治化之隆唐虞三代未之先也青陽學宮建于洪武初距縣治東二里許迄今百

有餘年前之爲長吏者非不屢治之但因陋就簡取具一時不足以貽久遠歲久日入於敝成化丙申邑令王君由太學生出知青陽始下車謁宣聖廟周視學舍退而歎曰學校之傾圮如是何以稱列聖育賢圖治之意是豈可少緩乎踰年政務修舉民心協和遂出俸貲爲倡僚屬皆悅從凡衣冠之族殷富之家各以輕重來助侯經營有度費用有節勸督有方工善材良并手皆作首新講肄齋繼立會食堂大成殿明倫堂瓦甍破壞悉撤而新覆之兩廡戟門庫庖庖漏下及師生燕息之舍次第皆新櫺星門伐石爲

兩廡莫能侵且高明壯觀軼乎舊規又肖聖賢像位章服如制各爲龕以蔽其塵舊有祭器苦窳黝黑盡易之潔白華好足稱美觀凡他器所宜有者無不備具侯之用心終始如一經畫於莅政之初訖事於旣滿之秋俾數十年靡弊之餘一旦悉轉而爲新可謂能體聖天子興學教民之意而得爲政之本者矣事竣是邑太學生胡廷秀來告予曰我侯新學之功不小願得一言以示久遠竊謂學校之所教乃聖道之所存也率聖道以爲教則人材以盛得人材以爲用則治道以興王侯宅心於學校如此無非欲崇先聖

之道以淑人材以資世用以副我朝列聖之盛心也
士之游於斯者覩宮牆之美仰聖道之大當何如其
用心哉將學以明道身體力行而推致其極使德成
行修舉而措之足以著勲業於當時垂聲光於後世
庶幾上不負聖朝教養之恩下不負賢侯作新之意
矣侯名政字布德保定易州人其存心之端操行之
堅臨政之善當別有所載茲爲文刻石以紀其篤意
於學校勤勞於事功也後來繼侯者其體侯心哉今
之善士出貲以助侯者皆列其名於碑陰

茅瓚新修青陽縣儒學記

稱齊魯士多文學逮其弊也魯寢弱矣而齊以功
利貶豈文學使然哉蜀地自漢時號爲僻陋得一文
翁雅尚教化迺其民遂興起於學至比跡齊魯之心
言之士無常習先王之澤廢即秉禮之國猶不能守
其舊風勸之道備即遐壤僻陋而士與中國抗衡余
讀史至廣厲學官之路未嘗不廢書歎也古者四民
異姓同道至用心專一不殊也然藝弗精不過奪糈
而士也萃家國天下之責獨奈何無教哉談以學術
聯以師儒使之登降有節誦說有體瞻視遊息有地
非實爲文也所以約其心弗放純其心弗淆以爲

他日致用本爾後世本實旣撥迺士游於學日粟只尺之詞以覬覦非望總總焉惟恐學之淹已也夫如是是先王建學將以崇化厲賢而先誨之偷毋乃不可乎青陽縣有學舊矣顧久日傾圮自廟貌堂廡齋宇蕪穢不稱士越於畝弦誦之聲稀聞嘉靖丁未嚴君諒來令是邑瞻顧而咨迺與教諭程君伯鎬訓導劉石昉陳君采及繼至謝君守欽僉謀作治之而以狀白于撫按是時巡撫草亭彭公督學方泉趙公代巡兼山孫公濯溪問公先後觀風貞教崇獎士類亟報曰可於是鳩工庀材斥贖金之餘檄能吏董其

事而義民孫浙徐誠章佺方仕明等咸樂捐貲以助故斯役也財不告殫庶民子來凡五閱月而工成蓋辛亥秋八月也越明年余承乏南廡而嚴君以學記請余辭不獲迺諭於諸士曰嗚呼休茲諸士念哉聖人之學心學也心一而已作於始輟于終非一也道德爲志而功利或淆焉亦非一也以子貢之賢願有所息不幾於輟乎入聞道德而悅出見紛華而喜不幾于淆乎是故性與天道終不可得而聞青陽屬畿輔重地密邇留都人文之盛冠蓋相見不爲僻陋明甚而諸公孳孳興學首先教化不謀而同視文翁用

心過之今茲輪奐一新正諸士嚮往之始也其尚遠
大自期上焉者希聖希賢其次猶將樹勳茂以垂不
朽其下亦能謹恪雅飭知自別於凡民斯惟朝廷教
士意哉夫士志于道德猶懼終或踰焉而況顛假此
爲聲利媒欲望其有所樹立是猶適越而北其轅不
可得已余病且陋方以不能迪士爲憂因嚴君之請
而發其所欲言如此嚴君諱諒字仲友浙江慈谿人
其爲令多子惠政而以興學爲己任可爲知本務矣
學旣落成會訓導周君祿教諭蔣君雷卿相繼捧檄
至均有風化之責宜併記之

徐鳴臯青陽縣儒學重修先師廟記

不佞以萬曆己未捧檄諭青與仙都三華李

先至見其賓九子帶容溪而學心賞其勝比周眠其

殿宇堂廡以洎諸祠靡不敬朽垂危迺相與於邑久

之公曰疇非往日之遞相偷悞轉肌而不遑慮久遠

也以至於是次第葺之固余也事尋出羨鏹治戟門

越歲而從事正殿各祠昕夕董視不佞一身厥勩焉

啓聖名宦鄉賢諸祠工甫竣於聖殿業已什五其功

詎謂業螭爲祟雨雹如捲飄風若鉅鹿昆陽之役萬

馬千車喧颺震蕩而來溘焉殿若東廡若各祠一時

傾仆殆盡響撼坤軸聞者舌舉蓋辛酉三月十有四日之夕也先是蟲蟲酷暑者七日人苦異之是夕漏初下飄雹自邑治西五溪間逾城而東可三十里許大擊田原蜚屋折木如心入廟其大者云公曰異哉最爾青誰寔長之不職以逢天怒應惟予是禍又何以譴予感先聖賢之神爲于是盡心待罪爲之素服減膳停訟息刑者彌月時奉學使者賓興之試未遑建亦且青故疲邑公帑蕭然頃復急於遼餉民力幾竭論之臺使者而亦咨咀於計畫無之也議者謂增之編徭或峻其罰於諸不法而可公拂焉以爲天譴示予而予股民以叢之怨何以妥聖賢靈而答天心迨八月迺先捐俸金三百緡庀材始事而青之紳衿與殷而好行其義者遂忻然相率協貲之不佞肅稟公條鳩匠役羣之學宮曰爲課其窳振時其旣廩消十月之四日鼎經大殿七楹已不佞以計偕行至壬戌初夏重任而歸然祈矣先師神主播遷逾歲而始克正其位云然廡祠未也公曰惡缺諸又多方貲其營繕四閱月而咸落成至戟門西廡則敝也而輪奐之櫺星三門則庫也而式廓之計先後糜金錢一千餘緡半則公所捐半出於助以及兩季祭

祀之所裁省也嘻是役也公可謂憫天變悲人窮矣
青人士有言已者凡有興建當事不無市心雖江陵
君一以赤心白意行之而多取貨榜掠以神其幹殊
乏慈德夫孰是自損其橐濟以苦心為我青光復舊
物以垂不朽於千百禩如公者落之日環橋門快睹
者如堵諸士爭稽首觴公稱謝行俎豆之於聖賢之
間頃公考績奏最諸中丞御史監司使者書相勞不
已而疏薦之天子者九則知公之所以大造於青而
得民以獲上者未可選指而建學其一目矢於程督
率作一切瑣屑不避怨誹則不佞亦有微勞而其出
納金錢素心自矢於以對先師對諸弟子負者儻亦
可屬行於公平諸弟子丐不佞蕪言以壽公績於石
於是敢自姍而附識之

先師廟 明弘治十七年知縣錢瓚重修萬曆五年知縣蘇萬民重建天啓元年并東廡為暴風所圯知

縣李如桂重建復圯本朝順治十三年知縣楊夢鯉

重建康熙十七年安奉欽頌御書萬世師表扁額及

御製孔子贊及 兩廡 廟門 櫺星門 省牲所在其

四子贊于廟庭 知縣王政 伐石立 明倫堂在先師廟之後 明嘉靖九年知縣陳賦建 由西二齋 東曰

西曰修業明末毀本朝順治十年 敬一亭在明倫堂

四年知縣楊夢鯉重建吳懷忠記 射圃在明倫堂左 廢

左明嘉靖九年知縣陳賦建久圯 射圃在明倫堂左 廢

啓聖祠在先師廟東明嘉靖十一年知縣俞昌言建
本朝順治十四年知縣楊夢鯉重修

名宦祠在啓聖祠左明嘉靖十一年知縣俞昌言建
漢陵陽令竇子明唐令韋仲

堪趙宋知縣楊元秉知縣陳昇卿
元縣尹袁雋明知縣羅華衮
知縣錢瓚知縣沈子勉
知縣羅華衮知縣許介
知縣王政

家柱知縣王化澄
主簿張宗智教諭陳鍾
知縣王政

諭蔣雷知縣王化澄
本朝兩江總督部院于清端公成龍

鄉賢祠在啓聖祠右明嘉靖十一年知縣俞昌言建
唐拾遺費冠卿孝子何澄粹

宋處士陳巖國子監祭酒方綱
元教授方時發

處士楊少愚明副使章時鸞
布政使王一楨

贈御史理學劉織贈太常寺卿劉光復
太僕徐肖峯本朝

隱士王贈尚寶少卿吳一元
太僕徐肖峯本朝

儒學門在櫺星門左門舊面雲冠山本朝順治
十三年知縣楊夢鯉移此

教諭署在明倫堂右即修業齋
訓導署在明倫堂左即進德齋

號舍在明倫堂東西列今併入兩署俱圮

按青陽中學額設學生二十人增廣生二十人
附學生無定額

按青陽中學歲科各貢一人

按青陽中學取進儒童與貴池同

按祀典每歲春秋二仲祭上丁其制視府學

按祝文照部頒式用

按祭器庫在明倫堂之右所貯明季器物俱無

存 本朝順治九年教諭吳懷忠置錫爵二十
五帛匣十五木籩豆二百大燭臺十八對

附社學四區 一在定心橋一在東門外 義學一
在五溪一在王獅鋪

區

舊置學田百餘畝後漸為民間復業今現存田
八則共四十六畝六分零學店三間其租穀縣
貯之報學院支給

銅陵縣儒學在縣治之東本宋淳熙中知縣林桷所建
縣學地元季燬于兵明洪武初王簿馬驥與知縣時守
道彭克修王士聯相繼重建復圮宣德七年知縣商賓

昌邑人余志貴等以已貲營之正統間知府葉恩復拓
學門外地正統十年知府何紹正遷學于縣西嘉靖十
七年知縣周訥仍遷于舊址明末燬于兵 本朝順治
十二年知縣劉曰義率原建各姓子孫重修康熙三十
年奉頒

御製訓飭士子文于學 按縣西舊學宋
慶曆四年建

明王直銅陵縣重修儒學記

銅陵縣本漢南陵縣銅官鎮唐末始分置義安縣屬
宣州南唐保大中改銅陵移治江潯屬池州宋慶曆
四年建學于縣治西淳熙中縣令林桷以為嚙雜非

育才之地乃移置縣治東後倚崇岡前對諸山據清
淑之會元季盡燬于兵國朝洪武初主簿馬驥始建
明倫堂與師生講學迨十五年歷三令然後殿堂門
廡乃克如制又閱四十餘年繕治不繼日入于敝兩
旁幾欲摧仆宣德改元洛陽商賓自兵科給事中改
銅陵令始至謁先聖周覽學舍慨然歎曰學校治化
之本也而傾陵如此豈非長民之責哉顧今之力雖
未能然亦奚敢不勉乃修葺支柱以俟改作宣德七
年侯爲政已六年矣化行信孚縣以無事侯知民力
之可用也乃作而倡之於是邑之人士余志英志貴
志高請建大成殿何從仁何從理何純何恭何英何
珩請建大成門東西兩廡則吳汝仁吳琳吳鐸徐用
文姚友諒東西兩齋則盛璣盛宗海盛迪吳汝霖汝
璣而明倫堂則丁子清獨任之侯嘉其志皆勞而勉
焉工善材良胼手交作其年七月壬戌功皆成宏壯
高明有加于舊侯旣率諸師生與諸人士告成于廟
而落成之教授沈衡諭于衆曰侯之用心于學旣勤
矣志英輩之勞費亦侈矣宜有以示諸久遠且告夫
後之人俾維持之永勿壞於是書其本末介縣人戶
部主事胡本惠來請余文刻諸石夫天之于人皆賦

之仁義禮智信而以施父子君臣夫婦長幼朋友之間推而至于萬事萬物莫不有當然之則焉然氣稟習俗之不齊故能全之少矣聖人者出爲之君師以治而教之必使之全其性而不至於梏亡焉三代之學蓋可攷已自孔子之道不行于是而有書書所以載道而教萬世者也是故有天下者必建學校聚英材于其中使讀書明道而反諸其身所謂五者之性施之人倫日用之常而皆得其宜然後出而用之則公卿大夫百執事無不宜于其職而治功盛矣學校所繫之重如此國朝聖聖相承加意學校既擇師儒以教其爲子弟者又任守令以督其成賢才之出以隆治化蓋濟濟然也事之久而怠怠而復振亦理之自然由是詔下簡子弟之負定科舉之額嚴條約以課勵之欲使明道誠身充其適用之才以佐太平之治意之所望豈淺哉然郡守縣令知重如此者蓋鮮故學宮多至于敝壞而教道亦因弛廢治化之本顧如此其不可邪然則商侯可謂知本之君子矣旣新其立教之地而益謹其爲教之道使凡爲子弟者誦其詩讀其書以明民彛物則之本然至於道德充備而皆宜于公卿大夫百執事皆足以隆治化

之盛當自此始矣若乃東書不觀舍本而事末以僥
倖於一切而不能有立于世則非朝廷所以興學校
與商侯所以修學校之意矣故為記其成而道其實
以勉焉來者尚克承之于永久

先師廟

明宣德七年知縣商賓倡邑人余志貴等建終
明代暨本朝順治康熙年間皆余氏重修屢

奉憲檄

永免余氏子姓雜泛差徭在案康熙十七年安
御書萬世師表扁額及御製孔子贊及四

子贊于

兩廡明宣德七年邑人徐用文廟門明宣
建歷本朝皆徐氏重修

在邑人何從仁等建歷

泮池有橋明邑人錢時
本朝皆何氏重修

星門

明邑人徐正本皆如制
建後徐氏修

倫堂在先師廟後

明宣德七年邑人丁子清建後遷
縣西廢嘉靖十七年復遷縣東知

縣率邑人素廷瑚等

東西兩齋東曰存心西曰養性
以後素氏重修

周氏

敬一亭舊在啓聖祠旁圯明崇禎間知
縣崔維律移建于廢文昌祠址尊經

閣廟在文

尊賢堂元知縣陳伯奎建
初改像為主邑人乃瘞

啓聖祠在明倫堂左

明邑人盛
元之建

名宦祠在廟門左

明邑人丁宇浦建祀
知縣潘銷知縣張孝章元尹

陳伯奎

尹方濬教諭徐觀明知縣時守道
知縣崔維律教諭王貫典史李藩本

縣商賓

知縣商賓
朝兩江總督部院

鄉賢祠在廟門右

明邑人丁宇浦建祀
顯明邑人丁宇浦建祀

進士章應雷

進士鍾鏜陳留侯阮麟翁義士鍾
進士章應雷進士鍾鏜陳留侯阮麟翁義士鍾

進士章應雷

進士鍾鏜陳留侯阮麟翁義士鍾

按察使潘伯庸 通政余可才 巡撫胡本惠
僉事陳孟晟 義士余志貴 太僕卿余毅中

儒學門在明倫堂西南 教諭署在明倫堂後

訓導署在明倫堂右 號舍在學門廢

按銅陵小學額設學生二十名以廣生二十名

附學生無定額

按銅陵小學歲科各貢一人

按銅陵小學順治間歲科兩試裁減舊額取進

儒童一名康熙三年起至十三年歲科併考

奉裁額取進儒童八名十六年起至十九年歲

考減額取進儒童二名二十年起歲科兩考復

額取進儒童八名二十九年科考起廣額四名

共取進儒童十二名三十八年科考特行廣額

五名共取進儒童十七名四十年歲考起仍照

定額取進儒童十二名其武童自康熙三年起

歲科併考取進八名

按祀典每歲春秋二仲祭上丁其制視府學

按祝文照部頒式用

按祭器 本朝初年有耆民鍾仕亨生負張君

仁等捐置銅爵一百四十二竹籩一百五十木

豆一百五十帛匣十三燭架大小十五座大櫛

一具順治十一年教諭彭文煒捐購四書大全
一部四書大全辨一部四書集注一部五經大
全各一部五經旁訓一部儒林全傳一部性理
節要一部考經一部小學一部周禮一部通鑑
集要一部選國策史記西漢書一部古文珠璣
一部明文珠璣一部武經一部古學彙纂一部
附社學一區在縣治西街明宣德中知縣商賓
建萬曆中遷西門外今廢

義學一區

舊置學田八號共七十一畝零地二十六畝

塘五分基三分其租穀縣貯之報學院支給

石埭縣儒學在縣西門外半里許崇壽寺遺址明嘉
靖十四年知縣練炫倡議十六年知縣潘大綸何怡從
縣南舊學移建于此歷萬曆崇禎間屢圯屢葺 本朝
順治十四年知縣高駿升十七年知縣王太初皆重修
殿廡康熙八年知縣姚子莊重修殿庭重建祠廡三十
年奉頒

御製訓飭士子文于學

按舊學在縣南門外五十步前
臨舒溪失致其物建所始元末

燬于兵明洪武初知縣陳霖勅建尹安繼成之自是修
廢不一至嘉靖十六年遷于縣西門外崇壽寺遺址以
學地更建
崇壽寺焉

明薛應旂石埭縣遷儒學記

天下之治忽在人才人才之盛衰在學校今學校徧天下而教養科貢咸有規制至論人才盛衰之故與學校之養士而士之所以自養者則猶若溺于習聞厭見而切近精實之理門或漫焉而未之究也雖然豈難知哉仲尼歎才難而稱虞周之盛及攷其數則惟五人九人焉爾矣然則其所謂建官維百與夫三百六十屬云者亦或未免于具臣充位而其所以為盛衰者曷嘗在于多寡間邪石埭為池州屬邑舊有學在邑之南正德間溪水漲決日就傾圯科第鮮少垂三十年嘉靖乙未邑令練君炫覽邑相攸得崇壽寺址議將改建甫即工而炫去迄無就緒歲丁酉楚蘄馮公以侍御史督學南畿莅池陽以埭學詢諸生遂申命有司以終前業邑令何君怡徐君之麟先後副公之命且闢地以廣其址於是殿廡堂齋門亭祠閣牲庖燕射臺池舍館圖書器用諸所有事靡不次第肇新癸卯春厥工告成於是諸士之業於學者樂育振奮科第接踵邑之士人咸謂學有徵矣先是馮公以養疴歸甲辰奉命再至邑令黃君瑩訓導馮君光浙以學未有記告諸公公命諸生蘇楨李璧詣薛

子請記薛子與聞教事不敢辭避乃爲文以諭諸士
曰古者王宮國都以及州閭族黨莫不有學士生其
時自幼至長未嘗一日離于學而其所以爲學者始
於離經辨志終于強立不反其間有詩書六藝之文
有絃歌洗爵俯仰升降之節有祭祀鄉射賓興養老
之儀有進材論獄出兵愛成之法而其大要則務使
人各復其性而正其身雖有剛柔緩急昏明厚薄之
異皆進之中而無過不及之偏惟是不越乎一心之
微而萬事萬物之理已具不越乎堂戶之間而四海
九州之業萬世之策已定及出而經世理物體國序
民立均出度則隨所施爲無一不可投之以常變順
逆而裕如臨之以禍福利害而不動蓋其素所學者
然也迨去古逾遠先王之制盡壞師之所教弟子之
所學不免溺于文辭利祿之習而其矜以爲能誇以
爲榮者鮮不以發策決科爲事而聰明樸樸之質日
就澆漓其於聖賢大學之道率視以爲迂而言論不
及間有及之者則又緣飾文奸作僞欺世而非明德
親民之實學矣何怪乎斯民不復見三代之治也哉
乃茲埭學之遷督學公倡率于上邑令諸君後先相
成於下凡以不安於陋也爾多士藏修游息于此又

忍安於陋哉其必力去習俗務追古學舍舊而新是
圖煥然爲斯學增光者要不專在於決科之利矣夫
地以人勝人以道勝鄒魯濂洛關閩亦九州一隅之
地耳何獨勝于天下哉蓋必有所由也且不觀今日
東南諸郡邑固有每舉各不下數人者而西北之河
津高陵其科第可以指數乃獨隱然爲天下重嗚呼
茲不可以觀邪馮公名天馭字應芳學者稱爲午山
先生經道緯文軌儀憲極蓋名督學也旂故于斯學
之記願以就正而因以進埭之多士焉

方涯石埭縣改立儒學記

自古人文化成天下必有鴻茂之士以徽弘至道表
樹風儀開新士類而後上教之循然下從之翕然斂
才世用厥功偉矣今凡置治必學學必廟孔子固欲
開以聖賢之學以遠其到而恒病於作興者之難蓋
規規位置之宜而徒立不常固未免青烏氏之拘而
卜宅經野古固有行之者矣朱晦翁病漳學偏仄欲
移貢院行衙廣之業未及而去北溪陳公繼申前約
而闢之漳學之改二君子意也事固有偶同者茲學
也無亦宗二君子之意歟埭爲池之屬邑自梁始縣
儒學前未可考至我朝洪武初建弘治再修向居縣

南枕陵山而挹舒溪修飭惟謹世不乏才嗣後春漲衝潰基崩頽敗學偏弗稱科舉如縮議者歸諸水削之危邑令練公炫初至臨顧歎曰安靈棲士其固至此哉迺達觀於西而得古刹崇壽勢拓形豁靈秀四會人神協謀請於巡按宋公茂熙督學馮公天馭得允定議徙立孔廟倫堂屬董役於義民陳景芳沈允德復拓基陳氏張氏之地業有定規而公即世矣仍襲者久之士積弗平僅得陳司訓嘉言捐俸爲興賢門牆而已迺今南山徐公之麟以江右名士來令茲邑毅然任曰是我責也即割贖金鳩工聚材相勤於學博士鄭君廷焯陳君嘉言馮君光浙不再期而廟廡堂齋祭器神厨肄舍庫庾易者復廢者新缺者完位序攸宜丹漆有光復鑿池爲躍龍築亭爲瑞應而橋其上爲亨衢爲登雲鍾靈萃淑斯其一占而賓興濟濟駸駸乎復盛矣是學也亦經二君子而始就始於乙未秋至癸卯春告成迺秋遂得蘇子檢單子鏘以登賢錄而畢又以甲辰春魁天下士二君遷學作人之功至是驗且偉矣徐公具書桂生蘊芳蘇生禎請記予告曰天下之事莫難於有始尤莫難於終之有成也弗成厥終始亦荒矣練公克開厥始而非徐

公以終之不幾于廢厥學乎二公之功軒輊固自有
可言者諸賢亦知二公之所以成始成終之盛心乎
管商權譎無體之用也佛老虛無無用之體也今孔
廟巍巍仰瞻具在倫堂翼翼指授有嚴固崇聖賢之
正而究體用之全功也諸賢游息化養於其中曷思
而自得之用則弘治化以行夫子之心如蒲之治單
父之琴武城之絃歌極而四代禮樂綏來動和聖神
功化之妙不越此學而已不用則續衛道而明夫子
之分汶上之辭舞雩之詠大學中庸之著述極而統
集六經折衷羣聖以開道學之傳不越此學而已夫

然後士所學所養為不孤而二公徒立始之終之之
盛心真有補世教殆非所謂鴻茂之士歟故記其
成而并告之以此

先師廟明嘉靖中知縣何怡初建後地數丈重建何思登

記又圯本朝康熙八年知縣姚子莊重修蘇汝霖記

十七年安奉欽頌御書萬世師表扁額及御製孔子贊及四子

贊于廟庭兩廡廟門俱王紀鍾一清建後姚子

莊重櫺星門明嘉靖中徐之麟建後萬曆二十

建池舊有橋明崇禎十五年知縣熊應禋改建于泮池後

明倫堂在先師廟左明萬曆二十八年知縣熊應禋建敬一亭在先師廟後知縣熊應禋建今廢

時習西曰日新亦敬一亭在先師廟後知縣熊應禋建今廢

尊經閣在先師殿後舊閣久廢本朝康熙八年瑞

應樓在儒學東南明萬曆三年知縣葉

啓聖祠在尊經閣下明嘉靖中知縣何怡徐麟所建

莊明萬曆中王紀鍾一清建久祀

名宦祠在啓聖祠左本朝康熙八年知縣姚子莊建祀

漢令陵陽子明明知縣尹安知縣周源知縣

益常訓導陳嘉言知縣高公甲教諭錢錄江總督

鍾炫訓導陳嘉言知縣馮光浙本朝兩江總督

學院張于清端公成龍總河部院靳文襄公輔江

泰交明翰林學士杜荀鶴宋侍講王鑑恭愍公

鄉賢祠在啓聖祠右本朝康熙八年知縣姚子莊建祀

儒學門在明倫堂東南教諭署在明倫堂後訓導

署在明倫堂東南號舍

按石埭中學額設學生二十人增廣生二十人

附學生無定額

按石埭中學歲科各貢一人

按石埭中學取進儒童與貴池同

按祀典每歲春秋二仲祭上下其制視府學

按祝文照部頒式用

按祭器庫在東廡之北本朝康熙八年知縣

畢似范 贈太僕卿蘇瓊 殉難布衣 湯文瓊 本朝廣西提學僉事蘇汝霖

姚子莊置爵一百三十八邊豆三百六十五登
七釧二十八簋四十五簋四十三罇五罇桌三
勺五爐四十五燭臺四十五對毛血盆十篚十
桶九長木盤二十九短木盤二十

附社學一區即長林書院在將治東明令陸階改建

義學十二區 本朝姚子莊按坊建

舊置學田二十五畝五分零又新置義學田三
十五畝零共六十畝零其租穀縣貯之報學院

支給

建德縣儒學在縣之西北隅本宋明舊學崇禎四年

形家言移建于縣西門外 本朝康熙元年知縣高

復從西郊移建于此屢圯屢修三十二年奉頒

御製訓飭士子文于學按舊學在縣東宋嘉定間知縣

年知縣吳禎成化十八年知縣荆賢正德甲戌教諭李

准皆重建至崇禎四年知縣楊錫璜移建于邑之西郊

今仍復舊四十八年通判署縣事胡開京重修
本朝劉三章建德縣遷儒學記

我

世祖章皇帝御宇之十年嘗從禮臣請

詔所在有司各修昔儒學禮臣議以前明二百餘稔

文教覃於四海雖山陬水澨一壘之治莫不立之黌

舍以春秋祀先聖先師以息師儒以存諸生徒弦誦
之遺意稱大備矣然自軍興來得無有燬壞荒廢禮
行無所者乎罇彝俎豆得無有殘缺者乎得無有武
夫悍卒逼師儒而處者乎非一大修舉之不可亟邀
聖俞廣厲郡國誠盛典也江淮南北奉行尤力時玉
甲張公督學東路余所見刊行部內修學碑記名人
偉製璀璨輝煌以昭興聖右文之治不當如是乎西
路則前學使石臺李公嘗爲蕪湖縣儒學重修記余
分臬其地獲寓目鴻筆焉旁郡邑悉稱是矣迨余莅
分臬之二年建德令高君從紳衿所僉議改復學宮

請余記之據高君所奉牘曰建三十年前公
若大學士孔公若冢室鄭公若翰檢孔公若志
副徐公皆俊偉光明照耀中外日者老成凋謝繼起
寥寥矣諸紳衿用歸咎嘗遷學舍于城外不吉宜歸
復舊址事初同於道築費未集於衆擎賴高君至而
力董之身倡之即以是奉行德意而晚其落于茲日
也適余有齎捧之役不及含毫極慮爲諸生徒明所
以踵武前賢者存乎人不存乎地不及取李公所記
湖學士習民風二大端引而伸之即欲引而伸之懼
勦說也更憶余守諸生日愛讀唐韓文公處州孔子

廟碑宋歐陽文忠公吉州學記矣度建之章縫俊秀
夫人能知之誦之又非余所敢襲取也惟是塞高君
請識是舉歲月始終方隅負抱之略與夫同心協議
輸貲効勤之姓名爲碑陰先而已若夫高君治建愛
人潔已舉墜奏公旣增修邑乘授之黎棗克垂永久
茲再以是役聞使得生歐陽公同時附驥而馳惇惇
然志復古而及于觀成賢豈在襄州穀城狄公下哉
高君名寅直隸任丘人已亥進士

胡開京重修建德縣廟學記

建之學舊在縣治東偏廡地弗稱宋嘉定間丞相吳
淵爲縣令始遷建於縣治西北歷有明
八十年
建之屢修人文浸盛迨後崇禎四年忽改建于西郊
日以替我

而定鼎百姓去湯火甫嚮文明知廟學宜復其舊
而久未遑舉及康熙初元縣令任丘高君始從羣議
仍遷於縣治西北之址若殿若祠若廡若門翼如奐
如而廟之制具矣若堂若亭若齋若廨秩如釐如而
學之制備矣由是教倡于上而化成于下博士弟子
負莫不蒸蒸嚮風彬彬就學家詩而戶禮樂焉且
當我

皇上興賢育才光昭文治猶慮學校之未極其盛又御製訓飭士子文頒示學官俾之戒董建雖葺爾近者人材輩出操觚握槧較藝于場屋者不下數百人連鑣以薦賢書明經以掇高第行且振藻南宮搗華東觀與前代之名賢往哲文章政事輝映後先直可翹足以俟而宮牆之興建歷今又四十八年矣歲月既久風雨侵凌卓者敬墜者豁華采而丹雘者且闕汶而剝落誰爲新之而誰爲勑之乎今夏之五月開京奉上官委來攝縣事初謁廟廷見西角將墜兩廡就頽魁星樓亦傾側有不可支之勢惕然顧葉

廣文欲一爲整葺而值歉歲後米貴財絀猝難舉工躊躇者久之未幾甘雨大注化旱爲豐一歲得數歲之穫民樂先疇士懷舊德開京于是慨然復語二廣文及諸生何如三計雲倬孔興崧徐高雲曰今而後可有事於茲矣二廣文及諸生皆欣然許諾度材程工方舉厥役適學使海寧楊公檄縣試童子開京既殫慮竭能冀蒐羅二三譽髦之士以儲育于庠序俄有一童子朱姓名武德者涇民自其祖久僑建邑願入籍與試乃進建之請主與之酌出貲四十兩爲營葺廟學費始許之入籍與試焉由是合以官

師所捐之俸諸生所助之貲購材于山鳩工於眾經
始于八月初二日訖工於十月十五日敲者立缺者
全閭汶而剝落者煥采而增華矣由是諸生之鼓篋
而來者講習有其地程課有其居而不虞于穢蕪之
不治矣豈不足以游泳聖澤而訖于無窮哉是役也
董其成者教諭葉殿邦訓導江宗孔趨事而督工者
諸生何如三計雲倬孔興岫徐高雲例得記姓名併
次其歲月于石云

先師廟 本朝康熙元年知縣高寅建十年安奉欽頒
御書萬世師表扁額及御製孔子贊及四子
贊于廟庭 兩廡 廟門 櫺星門 泮池皆如制

明倫堂在先師廟左 東西兩齋 東曰居仁
西曰由義 敬一亭

明倫堂後 射圃在學右

啓聖祠在先師廟後

名宦祠在廟門左 祀元尹吳師道 宋知縣梅堯臣 主簿吳淵
尹王晉卿 教諭程

端禮 明知縣孟常 教諭項伯賢 總河部院靳文
本朝兩江總督部院于清端公成龍

鄉賢祠在廟門右 祀宋諫院檀固 尚書李植 明按察
唐建德令周繇 處一 周繁

使柯暹 侍郎李一元 府丞檀
贈郎中徐漸 檢討孔貞時

儒學門在櫺星門左 教諭署在明倫堂西北 訓導

署在西齋 以上俱本朝康熙
元年知縣高寅建

按建德中學額設學生二十人增廣生二十人

附學生無定額

按建德中學歲科各貢一人

按建德中學取進儒童與貴池同

按祀典每歲春秋二仲祭上丁其制視府學

按祝文照部頒式用

附社學一區在縣治東

義學

舊置本學弓田一十四畝九分零其租穀縣掌
之報學院支給

縣儒學在縣治之東本明洪武初縣丞祝文貴創

化中知縣蕭佩遷建于縣治東北宋初舊學之右崇

禎末燬于兵 本朝順治四年知縣鄧繼球復遷建于

縣東舊址未竣九年知縣蘇弘謨次第建成圮康熙十

五年知縣侯之桓重建黃雲會記二十二年同知周疆

界縣事重修自為記三十三年奉頒

御製訓飭士子文于學 按舊學初于宋初在縣治東北

建元貞中尹素裕復擴之後燬于兵明洪武初縣丞祝

文貴始移建于縣治之東成化中知縣蕭珮以形家言

遷建于縣治東北宋學舊址之右崇
禎末燬于兵入 本朝始遷今址
本朝黃雲會重建東流縣文廟碑記

國家際隆盛之期普天教化炳若日星故自王畿以
及郡邑莫不各崇黌序千百載無或異焉韓子曰三
才各有所主四時大運主于天萬物大生主于地人
倫大化主于孔子是祭菜釋奠之儀等諸郊社而類
壁堂皇又爲禮樂衣冠所必肅之地厥典詎不重歟
余東固幘幅僅附庸而學校之典自畫然無二按宋
初文廟建于縣治東北厥後形家言遷移輶轡改建
于今址之右兵燹以毀始遷于今址焉其時規模草
荆闕然有待者居多嗣是諸當事補弛修廢綴昔隨
時而究之一木僅支有岌岌不終日之勢甲寅冬三

侯公果以秋魁名宿自

天子所謂我來矣比至祇謁後立諸生堂下授講畢
周視門垣廊廡率敝狀偃仰不可竚而大成一殿則
形制僅存而已因作而歎曰語有之觀于月吉所布
象魏所懸而政可知也觀于絃誦所披師儒所董而
教可知也奈何以彝倫根本之地而爲茂草乎方今
聖天子右文崇學視往昔有加承流宣化之謂何而
敢隕越以負厥職邪遂慨然以鼎新之責任之一身
矣時值余東有震鄰小警居民且鳥獸散公視篆未
半期而殫才智敦仁愛以學問爲經濟漸次撫徠之

後革弊興利舉廢育良但覺土風文物頓改舊觀我公輟然喜曰東民有起色庶幾文教可興乎於是與學博趙君廉菴相商酌鳩工庀材特建文廟五間藻麗弘堅加昔數倍左右兩廡各五間以及匝垣百丈民不知役工不知勞一株一甃悉出之節俸之捐而陶者植者又樂得而貿易之以取值雖邑之紳掖者舊不忍獨煩清橐然所費究百不一也至于戟門五間旁爲文昌土地二祠棲各一間皆學博趙君所倡先鼎建者公懼其孤踞年湮未可以久乃貫以磊砢雖磐石不啻也前爲櫺星門石柱三座顛樸零零一

一朝壁立他或華采待數或隘湫待闢或叶吉而量更或準式而改度靡不輝煌金碧煥然新一時之耳目云工起于乙卯初春至丙辰之冬公以內艱將代猶必始之終之以與新任學博毛君衡齋相底于有成先後兩載無間焉嗟嗟自學之建也歷古今逾海宇昭祀尊禮則一而具文歲飾不過應故事而已若公則度材必極其良培築必極其固又從而躬親視之綢繆委曲而爲之表飭僕僕若身事若家事漫不以爲勞也蓋公之立政大都爲久大不爲淺近爲百年切實之計不爲一時粉飾之圖性固然耳余因之

竊幸矣從來人材之興由于學校余向者承乏楚江
癸卯歲文廟以漲圯爰捐貲卜建之而星者以爲豎
之時與文昌恰合是科果報捷三人余不佞亦得謬
叨珉紀焉然東庠雖近科獲雋者少而龍蛟之鬱屈
既深雲雨之飛騰必大自茲以往文治其昌乎且東
邑士淳人樸他日瞻于斯禮于斯聚講學于斯顧名
思義肅肅雍雍以相趨于聖賢禮義共勉于道德文
章則公之弘獎風流上以報崇文之化下以開不墜
之宗而大聖人在天之靈爽實式憑之寧僅余東之
沐浴春風者勉期後効也哉昔范甯令餘杭善政多
端獨傳其興學育材爲中興所未有則公之政教相
因縷縷惠績業已專祠悉載矣更何贅

周疆重修東流縣儒學記

方今海宇昇平

聖天子敦崇文教銳意振興屬在庶寮承流宣化詎
敢隕越以自外余佐治池陽甫至見池之文物衣冠
彬彬郁郁而兩庠歸麗書院崇弘知非有主持風教
者以作興鼓舞於其間曷克臻此今年癸亥夏五月
奉檄視篆東流恭謁文廟授講畢周視殿廊牆廡草
荆規模缺然有待爰與學博洪子景行倡捐修葺之

紳衿者舊亦樂爲附應圖度諮謀凡廢者舉之剥者補之以期周備於是由正殿以及啓聖祠向之鞠爲茂草者爲之設立圍墉潤施甃砌偃者蝕者悉易去正配各主俱金碧焉余視事未兩月而經營區畫工役爭趨一望橋門朱炳丹煥坊表聯額各如制煌煌然幸改舊觀矣夫三代以來司樂司成專主教事周禮始並屬之黨正州長即今之牧民長吏也以是爲政即以是爲教厥後政教判然士君子稱先則古未嘗不思得位行道及出身加民征賦雜其耳目刑賞搖其心志案牘交乘誇飾吏治以教民爲已任者幾人哉或曰孔子之道夫人而具之讀其書以法其行固有在此而不在彼者徒崇廟貌何爲乎雖然入廟思敬古誌之矣對越儼然羹牆如見相與警心觸目以培養夫忠信之原則人心因之以正學術由之以成處而砥行立名出而經邦弘化以副朝廷雲漢天章之盛者又豈可量也哉宋儒葉適曰儒術不進天下無正學師道不立天下無善人相得益彰余更于洪子不無厚望云

先師廟

本朝順治四年知縣鄧繼球建康熙十七年安奉欽頒御書萬世師表扁額及御製孔子

贊及四子贊于廟庭

兩廡

廟門

櫺星門

本朝順治九年知縣蘇弘謨建

泮湖即團湖之半皆如制

明倫堂在先師廟左 東西二齋東曰日新 西曰時習 敬一亭

在明倫堂北本朝知縣 射圃在縣北即桑園

啓聖祠在先師廟本朝知縣蘇弘謨建

名宦祠在學門左本朝知縣彭澤令陶潛 宋知縣汪奕明 知縣汪奕明 知縣汪奕明

縣楊季芳知縣向錦 知縣李渾 知縣余初 知縣鍾大賓 知縣陸芹 教諭杜巽 訓導章唐 訓導史鑰 典史呂復 本朝兩江總督部院于清端 公

成龍總河部院靳文襄公輔 江南學院張泰交

鄉賢祠在學門右本朝知縣通判周昌 御史宋邛

輔 布政 王應乾

儒學門在明倫堂東南 教諭署在西齋後 訓導署

在西齋後 號舍在東齋南以上俱本朝順治年

按東流小學額設學生二十名增廣生二十名

附學生無定額

按東流小學歲科各貢一人

按東流小學取進儒童與銅陵同

按祀典每歲春秋二仲祭上丁其制視府學

按祝文照部頒式用

附社學一區在縣治中街

義學

舊置學田 則共四十五畝零地五畝四分零

其租銀租穀縣掌之報學院支給又湖一區區即

湖之在洲一段在林磯

池州府志卷第二十一

